



AXUDAS PARA A CONSOLIDACIÓN E ESTRUTURACIÓN DE UNIDADES DE INVESTIGACIÓN COMPETITIVAS E OUTRAS ACCIÓNES DE FOMENTO

Programa de financiamento estrutural e continuado a grupos de investigación e proxectos de excelencia en Galicia



En que consiste?

O programa financia a consolidación, estruturación e especialización das unidades de investigación máis competitivas e outras accións de fomento do Sistema galego de I+D+i mediante as seguintes modalidades:



Modalidade A. **Grupos de referencia competitiva (GRC):**

consolidación de grupos de investigación que pola súa produción científica e a súa actividade de I+D, constitúan unha referencia no Sistema galego de I+D+i.



Modalidade B. **Grupos con potencial de crecemento (GPC):**

consolidación de grupos de investigación que pola súa produción científica e a súa actividade de I+D, amosan potencial de crecemento ata converterse en grupos de referencia do Sistema galego de I+D+i.



Modalidade C. Proxectos de excelencia: realización de proxectos de investigación por investigadores ou investigadoras individuais que, contando cunha traxectoria excelente, teñen que afianzar unha liña de traballo baseada en proxectos de alto impacto.

Dúas modalidades:

1 → Liña de reforzo da traxectoria investigadora consolidada.

2 → Liña de reforzo de traxectorias emerxentes.

Novidades convocatoria 2022



Os **grupos con potencial de crecemento** poderán acceder a un **complemento económico** mediante a aplicación dun módulo variable na contía da axuda, como xa tiñan os grupos de referencia competitiva.



Incorporación de **novos items no baremo de avaliación** para reforzar o carácter integrador das propostas e a súa conexión coas demandas sociais actuais relacionadas coa perspectiva de xénero, a Investigación e innovación responsable (RRI), a creación de sinerxías e a capacidade do equipo.

A quen vai dirixido?

- > **Universidades do SUG.**
- > **Organismos públicos de investigación** de Galicia.
- > **Fundacións de investigación sanitaria** de Galicia: Fundación Instituto de Investigación Sanitaria de Santiago de Compostela, Fundación profesor Novoa Santos e Fundación Biomédica Galicia Sur.
- > **Centros do CSIC** radicados en Galicia.

Calquera destas entidades poderá solicitar as axudas e destinaras aos seus propios **grupos de investigación** e ao **personal investigador** que proceda.

Que gastos subvenciona?

- Custo de **contratación de persoal investigador ou auxiliar de investigación**. Inclúese persoal dedicado á xestión do grupo, así como o cofinanciamento das persoas contratadas ao abeiro de convocatorias estatais de recursos humanos.
- **Pequeno equipamento** inventariable e **material** funxible.
- Material **bibliográfico**, **cotas** de coloquios e congresos e **adhesión a sociedades** científicas.
- **Formación** do persoal do grupo ou do persoal adscrito ao proxecto.
- **Viaxes e axudas de custo**, sempre que non excedan o 20 % dos gastos totais.
- **Persoal investigador visitante**.
- Organización de **actividades de difusión** e presenza en medios de comunicación.
- **Ferramentas de xestión do coñecemento e a información**.
- **Publicación dos resultados** da investigación en aberto.
- **Consultaría e asesoramento externo** para deseñar e aplicar a estrutura e a estratexia do grupo, así como **contratación de servizos externos**.
- Gastos derivados da elaboración dun **informe de auditoría**.
- **Custos indirectos**, sen necesidade de achegar xustificantes de gasto, de ata o 20 % sobre os gastos totais da axuda validamente xustificada.

A ter en conta

Modalidade A.

Grupos de referencia competitiva (GRC)

- > O grupo de investigación debe estar integrado durante toda a vixencia da axuda, **polo menos por 5 investigadores/as**.
- > No caso do SUG, terá que constar **inscrito nos rexistros da universidade** antes do 30 de xuño de 2021.
- > Ademais, deberá cumprir, **como mínimo, 1 dos seguintes requisitos de actividade de I+D:**
 - **Proxectos competitivos:** ter polo menos 3 proxectos competitivos activos, cun importe superior a 15.000 € cada un, ou polo menos 1 proxecto competitivo activo, cun importe superior a 75.000 €, no período do 1 de xaneiro de 2019 ao 31 de decembro de 2021.
 - **Ingresos I+D:** ter ingresos medios anuais superiores a 150.000 € (ou superior a 80.000 € para grupos das ramas de Artes e Humanidades ou Ciencias Sociais e Xurídicas), no período do 1 de xaneiro de 2019 ao 31 de decembro de 2021.
 - **Axudas:** ter sido beneficiario das axudas GRC na convocatoria do ano 2018.
- > Cumprir, **como mínimo, 2 dos seguintes criterios de produción científica** no período do 1 de xaneiro de 2019 ao 31 de decembro de 2021:
 - **Artigos publicados:** polo menos 10 publicacións incluídas en SCOPUS ou *Web of Science*. Para os grupos das ramas de Artes e Humanidades e Ciencias Sociais e Xurídicas, consideraranse artigos en ERIH, IN-REC, IN-RECJ, DICE e LATINDEX.
 - **Libros publicados:** polo menos 3 (só para grupos das ramas de Artes e Humanidades ou Ciencias Sociais e Xurídicas).
 - **Teses dirixidas/codirixidas e lidas:** polo menos 3 teses para os grupos do SUG e polo menos 2 para o resto de entidades.
 - **Patentes en explotación en que a entidade solicitante sexa titular:** polo menos 1 patente (ou 4 rexistros de propiedade intelectual de *software* ou 4 rexistros de variedades vexetais).
 - **Acordos de explotación ou empresas (EBTs)** xerados a partir de resultados obtidos polo grupo: polo menos 1 acordo ou EBT.
 - **Participación en proxectos de programa marco da UE:** polo menos 1 liderado de proxecto.

Modalidade B.

Grupos con potencial de crecemento (GPC)

- > O grupo de investigación debe estar integrado durante toda a vixencia da axuda, **polo menos por 3 investigadores/as**.
- > No caso do SUG, terá que constar **inscrito nos rexistros da universidade** antes do 30 de xuño de 2021.
- > Ademais, deberá cumprir, **como mínimo, 4 dos seguintes requisitos de actividade de I+D e criterios de produción científica**, no período do 1 de xaneiro de 2019 ao 31 de decembro de 2021:
 - **Ingresos I+D:** ter ingresos medios anuais superiores a 80.000 € (ou superior a 40.000 € para grupos das ramas de Artes e Humanidades ou Ciencias Sociais e Xurídicas).
 - **Proxectos competitivos:** ter polo menos 2 proxectos competitivos activos cun importe superior a 15.000 € cada un ou polo menos 1 de importe superior a 50.000 €.
 - **Contratos ou convenios:** ter polo menos 2 contratos ou convenios con empresas ou institucións de importe superior a 15.000 € cada un.
 - **Artigos publicados:** polo menos 3 publicacións incluídas en SCOPUS ou *Web of Science*. Para grupos das ramas de Artes e Humanidades e Ciencias Sociais e Xurídicas consideraranse artigos en ERIH, IN-REC, IN-RECJ, DICE e LATINDEX.
 - **Libros publicados:** polo menos 2 (só para grupos das ramas de Artes e Humanidades ou Ciencias Sociais e Xurídicas).
 - **Teses dirixidas/codirixidas e lidas:** polo menos 2 teses para os grupos do SUG e 1 para o resto de entidades.
 - **Patentes en explotación** nas que a entidade solicitante sexa titular: polo menos 1 patente (ou 2 rexistros de propiedade intelectual de *software* ou 2 rexistros de variedades vexetais).
 - **Empresas creadas** a partir de resultados obtidos polo grupo: polo menos 1 empresa.
 - **Participación en proxectos de programa marco da UE:** polo menos 1 participación como socio/a ou líder.
 - **Axudas:** ter sido beneficiario das axudas GRC da convocatoria do ano 2018 ou GPC na convocatoria do ano 2019.

Modalidade C. Proxectos de excelencia



- > **Liña de reforzo de traxectoria investigadora consolidada:** o persoal investigador deberá ter unha vinculación laboral estable nunha universidade do SUG e ter recibido unha axuda *Starting Grant* do ERC que remate no ano 2021.
- > **Liña de reforzo de traxectorias emerxentes:** o persoal investigador deberá estar adscrito ao programa Ramón y Cajal das convocatorias dos anos 2017, 2018, 2019, 2020, ou tamén aos programas Miguel Servet ou Juan Rodés para o caso das entidades alleas ao SUG. En todos os casos, o persoal ten que tomar posesión efectiva da súa praza antes da publicación desta convocatoria nunha das entidades beneficiarias.
- > **Ambas as liñas:** o persoal investigador que lidere os proxectos non poderá ter sido beneficiario dunha axuda nesta modalidade en anos anteriores e non poderá ter unha axuda activa como investigador/a principal dos programas de GRC, GPC ou do ERC.
- > **Ambas as liñas:** a persoa investigadora responsable do proxecto deberá contar cun equipo de investigación formado por un mínimo de 2 persoas (sen contar o investigador ou investigadora principal) que deberá de cumprir determinados requisitos relativos a súa categoría profesional, funcións dentro da entidade ou vinculación laboral coa mesma.



Contía e duración

Modalidade A. Grupos de referencia competitiva (GRP)

---> Axudas de **duración** máxima de 4 anos

---> **Importe total** da axuda integrado por unha contía estrutural e outra variable asociada á evolución na xeración de recursos por parte do grupo, acumulables e distribuídas por anualidades:

1. Módulo estrutural anual:

fixo de 25.000 € máis variable máximo de 25.000 € determinado en base aos ingresos medios do grupo.

2. Módulo variable anual:

ata un máximo de 50.000 €, determinado por tramos en función dos ingresos anuais medios do grupo no período comprendido desde o 1 de xaneiro de 2019 ata o 31 de decembro de 2021.

Modalidade C. Proxectos de excelencia

1. Liña de traxectoria investigadora consolidada:

- Axudas de **duración** máxima de 4 anos
- **Importe** máximo anual de 50.000 €

2. Liña de traxectoria investigadora emerxente:

- Axudas de **duración** máxima de 5 anos
- **Importe** máximo anual de 15.000 € para o ano 2022 e de 25.000 € para os anos 2023, 2024, 2025 e 2026.

Modalidade B. Grupos con potencial de crecemento (GPC)

---> Axudas de **duración** máxima de 3 anos

---> **Importe total** da axuda integrado por unha contía estrutural e outra variable, acumulables e distribuídas por anualidades:

1. Módulo estrutural anual:

máximo de 20.000 € na primeira anualidade e de 35.000 € na segunda e terceira.

2. Módulo variable anual:

ata un máximo de 10.000 € por anualidade para os grupos beneficiarios dunha axuda nesta modalidade desde a convocatoria do 2016 e que xa non estea activa, e que ademais cumpran determinadas condicións ligadas ao seu tamaño, ingresos medios anuais e traxectoria en transferencia de coñecemento, no período comprendido desde o 1 de xaneiro de 2019 ata o 31 de decembro de 2021.

TIPO DE CONVOCATORIA

Convocatoria conxunta entre a Consellería de Cultura, Educación e Universidades e a Consellería de Economía, Empresa e Innovación

ORGANISMO XESTOR

SOLICITUDES SUG:

→ Secretaría Xeral de Universidades

SOLICITUDES RESTO DE ENTIDADES:

→ Axencia Galega de Innovación

ORGANISMO FINANCIADOR

AXUDAS SUG:

→ Secretaría Xeral de Universidades. 18,905 M€

AXUDAS RESTO DE ENTIDADES:

→ Axencia Galega de Innovación. 4,035 M€

ORZAMENTO

22,94 M€

TIPO DE APOIO

Axuda a fondo perdido

CÓDIGOS DE PROCEDIMIENTO

SOLICITUDES SUG:

→ Modalidade A: ED431C

→ Modalidade B: ED431B

→ Modalidade C: ED431F

SOLICITUDES RESTO DE ENTIDADES:

→ Modalidade A: IN607A

→ Modalidade B: IN607B

→ Modalidade C: IN607D

DATA DE PUBLICACIÓN DOG

02/02/2022

PRAZO DE PRESENTACIÓN DE SOLICITUDES

03/02/2022 - 02/03/2022

PRESENTACIÓN DE SOLICITUDES

sede.xunta.gal

Máis información

SOLICITUDES SUG:

Consellería de Cultura, Educación e Universidade

Secretaría Xeral de Universidades
Subdirección Xeral de Promoción Científica e Tecnolóxica Universitaria
Servizo de Xestión Científico-Tecnolóxica

San Caetano, s/n
15781 Santiago de Compostela

881 999 541 / 881 995 156
promocioncientifica.educacion@xunta.gal

SOLICITUDES RESTO DE ENTIDADES:

Vicepresidencia Segunda e Consellería de Economía, Empresa e Innovación
Axencia Galega de Innovación

Rúa Airas Nunes s/n, 15702
Santiago de Compostela

981 541 096
xestion.gain@xunta.gal